



LEDNINGINUT EQQAAMASASSAT

AALLARTINNGINNERNI ILISIMASASSAT

Innaallagissamut ikkuttartut ledningit taarserniaraangakkit imaluunniit nutaanik pilersuinermut assaanermut ledningilersuiniaraangavit assaanermut imaluunniit qaartiterinissamut akuersissummik qinnuteqaqqaarnissat eqqaamasassavat.

Aqqusinerni tamanit atorreqartartuni annertuumik assaassaguit illit sanatitsisutut angallanneq akornguteqanngitsumik aamma isumannaatsumik ingerlanissaa akisussaaffigissavat. Tamanna angallattunut pisuttunullu tamanut atuuppoq. Taamaattumik nalunaaqutsersuinissamut pilersaarummik tunniussinissaq piumasaqaataavoq.

Illit sanaartornermi suliaqarnermi ilaatigut Kommunimut pilersaarummiittut malittarisassat, Sanaartornermi Maleruagassaniittut malittarisassat Sulinermillu Nakkutilliivimmiit malittarisassat tamaasa **malinneqarnissaat akisussaaffigaat**. Taamaattumik innersuussutigaarput, sanaartornermi siunnersortimik oqaloqateqarnissat, taassuma aqquataa tamaat ikiorsinnaavaatit – qinnuteqarnermiit naammassisutut nalunaarutigineqarnissaata tungaanut.

QINNUTEQAATIT SUUT

Illit sanaartornerpit annertussusaa apeqquataalluni atortussat akuersissutillu amerlassuseqassapput.

Ledninginut makku qinnuteqaatigissavatit:

☐ Assaanissamut qaartiterinissamullu akuersissut

Ledningit nutaat pineqarpata aamma qinnutigissavat:

☐ Nunaminertamik atugassiineq*

Kuuffissuit aqquataat pineqarpata aamma qinnutigissavat:

☐ Kuuffissuarmut atassusiineq

*Nunaminertamik qinnuteqarniaraanni Nunagis aqqutigineqassaaq: [Nunaminertamik atuinnissamut akuersissut – NunaGIS](#)

Qinnuteqannginninni atortussat tamaasa piareeqqanissaat inassutaavoq. Maluginiaruk **shape-mik imaluunniit dwg** filimik peqaruit ilaqaataassamat qinnuteqarnermut ilaatillugu nassiussinnaasannik.

NUNAMINERTAMIK ATUINISSAMUT QINNUTEQARNERMUT ATORTUSSAT

Suliniutip nassuiarneqarnera titartagartaalu:

☐ Sanilinut aqqusinermullu ungasissusaannut **uuttuutit**

☐ **Sanaartorfiup aqqissugaanerani** pilersaarummik titartagaq

☐ Nunaminertamik atuisussaaitaanngikkuit sanaartornissamut **piginnaatitsissut**.